



Igls participants digl seminari durant igl de d'excursiun.

FOTOS JAKOB SCHÄFER



Angelica Augustin, Samuel Bislin e Silvan Brügger preschaintan lur project.

Привет из Сочи / Saleids da Sotschi

DAD ANGELICA AUGUSTIN E SAMUEL BISLIN

■ **Durant l'emda digls 7 anfignen igls 13 d'otgover on treis commembers dalla GiuRu piglia part agl seminari d'aton dalla YEN (Youth of European Nationalities), igl qual è gia li a Sotschi, an Russia.** La YEN è l'uniun tetgala dad uniuns giuvenilas da minoritads linguistics, naziunalas ed etnicas an l'Europa.

Damai tg'igl viadi sgulont tranter Turitg e Sotschi magna pigl solit sur Moscau ischan nous dus tgi scrivagn chest text ans decidias da far ena viseta alla capitalla russa. Cun partair quatter deis pi bod dalla patria vagn nous via bler digl grond martgea lontan. Sper igls classichers scu

igls museums digl Kremlin e la Piazza cotschna ans on surtot er las staziuns da metro fatg gronda impressiun. Bleras staziuns èn numnadamaintg «decoradas» an ena moda unica. Chegl è egna da bleras restanzas digl taimp sovietic.

Arrivond a Sotschi vagn nous antupo igls noss ameis rumantschs: Silvan, tgi era nia cuagl tren e Giuanna, la presidenta dalla YEN. Silvan e nous dus vagn alloura piglia part activamaintg ad egn digls treis workshops tgi eran nias offerias durant chell'emda.

Igls hospitants digl seminari eran igls commembers dall'uniun giuvenila digls Tudestgs an Russia. Sper igls workshops vagn nous uschia er pudia amprender

ensatge davart la cultura tudestga, la cultura russa e la cultura tudestga-russa. En grond «спасибо» per lur lavour.

Durant igls workshops on tot igls participants luvro ve dalla tematica dalla participaziun giuvenila, seia chegl politicamaintg u culturalmaintg (ea, nous savagn tgi chels dus terms s'excludan betg adegna). Tar igl workshop tgi Silvan e nous vagn tscherna gevigl an special per la participaziun giuvenila aint igl agen conturn. An gruppas pitschnas on tots creio projects concrets tgi duevan aveir igl scopo da rinforzar la participaziun giuvenila. Nous treis ans ischans decidias da crear en project tgi pudessans implementar cun ageid dad oters commembers dal-

la GiuRu. Igls patrats tgi stattan davos l'idea digl project èn tgi nous cattagn trest tgi la GiuRu è betg fitg blers commembers activs ed er tgi blers digls commembers activs èn dalla Surselva (surtot da Sagogn ;-)).

Perchegl visitessan nous aint igl futur gugent persunalmaintg festas dad uniuns da giuventetna davains igl territori rumantsch ed anvidessan talas er allas occurrenzas dalla GiuRu. Scu tgi chest project duess neir implemento concretamaintg stò anc neir discuto cun la suprastanza e cun oters commembers. Naturalmaintg vagn nous gio varsaquantas ideas – mengia bler lagn nous ossa pero tuttegna betg anc tradeir.

Scu adegna tar igls seminaris dalla YEN on tot igls participants pudia turnar a tgesa banadias cun novas amicezgas ed ancunaschientschas cun unicats dall'antiera Europa. Igl migler tgi so capitar è tgi dat siva en seminari ena gruppa da whatsapp cun Rumantschs e Croats digl Burgenland an Austria tgi sa nomna «Rätro Kroaten».

Talas experientschas stattan a disposiziun a mintga commember dalla GiuRu ed èn caschungs excellentas per amprender a canoscher differentas minoritads dall'Europa, duvrad igl engles ed amprender ena massa davart otras culturas e tradiziuns – ed aint igl noss cass – far bogh ainten la Mar Neira.

La preit alva

DAD ASA HENDRY

■ **Enzanua ellas vias bernesas hai jeu entupau il catalisatur el senn chemic per mia utopia.** In turmeagl da persunas ch'arvan portas ed escha a mi per entrar el mund dallas realitads queer-feministicas. Quei munta spazi e libertad per mei. Jeu survegnel spazi per fladar. Jeu survegnel spazi per s'exprimer. Safe-space – nua ch'jeu vegnel tuttenina da formular mes desideris e giavischs. Ei tuna suenter clischa. Bandunar l'oppressiun dallas vals

ed anflar ina community el marcau. Il squetsch savens nunvesibel che peisa sin persunas giuvnas che semovan empau sper igl intragliauter san ins denton buca denegar. Perquei porta l'anonimad dil marcau libertad. Per denton buca negar ella libertad dall'anonimad eis ei in cletg dad anflar inslas en fuorma da communities nua ch'ins sesenta beinvegnius e capius.

Aschia eis ei capitau a mi ch'jeu hai tuttenina persunas cun las qualas jeu brattel magari treis brevs ell'jamna. Ei

vegn dumandau suenter mia utopia ed jeu vegnel buca pli dad evitar dad entschneider ad exprimer mes giavischs, ni meglier detg less jeu entschneider ad emprender dad exprimer mes giavischs utopics. La preit utopica ei restada tochen uss alva. Perquei ch'jeu hai buc ughegiau da prender colurs ed entschneider a malegiar malergs selvadis, ord tema da malegiar il falliu, da saver memia pauc, da buca saver fidar a mias intenziuns moralicas. Il brat da brevs possibilitescha a mi dad extrar dil carousel: «Ins

sa gie aschia ni aschia midar nuot.» Smash patriarchy, system change not climate change, defend Rojava – las vias a Berna ein pleinas. Regularmein manifestaziuns, collectivs cun fuormas alternativadas da viver, d'economias comunablas per in mintgadi politic, occurrenz per persunas da FLINT* creschan sco bulius ord il plantschui, aschia ch'ins sa magari gnanc nua ch'ins less far part dapertut.

E cun mintga brev crescha era mi' utopia, miu patertgar critic, perquei ch'jeu

hai in visavi che tracta mes plaids aunc malsegirs cun gronda precauziun e beinvulientscha. La letargia entschneider a sedissolver. Midadas ein pussevlas, legel jeu en ina dallas rispostas, activissem funcziuna. La risposta sin la cauma da dunnas – ils 42% el cussegl naziunal. Il gudogn da sez dils verds – las demonstraiziuns da clima han giu resonanza. E quei dat curascha, quei dat curascha da prender enta maun hontas da colur ed entschneider a sorprender responsabladad per malegiar l'utopia.



«100 onns Lia, la chargia es sün via.»

CARICATURA UOLF CANDRIAN